

Mit Essen spielt man nicht! -oder doch?


## Globi, der Fischer!

Willkomme ih üsem Jublalager. Tauchid ih d'Welt vom Globi! Mit ihm lernid mier d Natur z schätze und üsi Kreativität us z läbe. Spile, lache und super Sache mache. Jaa genau und so wemmer jetzt starte, dass ihr ned münd nu so lang warte:) Nur nu öppis: Es gaht au um Esse natürlich...



-Hanich da Esse ghört??!!

Mier fangid mideme Staffette-ihwärme ah und zwar mal ufen anderi Art. S Grundprinzip isch eigentlich wie en normali Staffette. Nur möchid mier das mit anderne Mittel. Nämlich mit verschiedenste Esssache möglichscht kreativ. Z'erwähne isch d Guetzli-stapel-staffette. Da bechund jedi Gruppe es Pack schwizer Guetzli und öpper vo de Gruppe liegt ufere Blache bim Ziel. Nachem 'Los' springt de erscht mideme Guetzli füre und versuechts am Liggende uf d Stin z tue. De nächst türmt sis Guetzli uf's vorhärige. Am Schluss gwünnt die Gruppe, wo de höchsti Guetzliturm het. En anderi Art isch de Eiertransport via Löffel im Muul. Und nu ganz anderi Variate hemmer gmacht. S Ziel isch, dass d Chind üsi regionale Produkt z schätze lernid.




Üse Hauptteil isch am Fischfang gwidmet. De Globi wett mal wüsse, was er amix ufem Teller het. Also gaht er hüt mit de Chind sis Esse selber gu fange. Ih de Melchsee-Frutt midem See ischs en ideale Platz.

Mit vil Geduld wartis gspannt druf, dass öppis ahbisst. Bi de einte klappets, bi de anderne weniger. Aber alli sind glücklich. Das Bergpanorama isch eifach unglaublich. Und die strahlende Gsichter vo de erfolgriche Fischer erwärmt eim eifach s Herz. Und es gluschtet scho, wemmer de Fisch gseht. Aber zerscht mummer en nu usnäh, was nöd 'jedermanns Sache' isch, aber au die chlinschte packid mit ah. Ja es isch scho öppis Schöns wemmer sis Esse sälberfangt. Und weiss wohärs chund.





Vorem Esse hend mr nu en Usklang für Babybäggli.  
Mier hend Gsichtsmaske gmacht. Jap genau Quark is  
Gsicht gschmiert und Gurke uf d'Auge tah. Das chli lah  
ihwürke glah und schlussendlich abgeschpüelt oder  
abgeschläckt. Es isch en schööni Entspannigsüebig gsi  
und so simmer denne startklar gsi, zum üse Fisch ässe.



Das isch en chliine Ihblick gsi is Lager vo de Jubla Neuheim.  
Spile tuet mr mit Esse, mängisch eifach d Maniere nid vergesse:)